

## ERKENNE DEINE POSITION IN CHRISTUS

### Albanische übersetzung

#### - Njihe pozicionin tënd në Krishtin-

Efesianëve 1:3: “I bekuar qoftë Perëndia dhe Ati i Zotit tonë Jezu Krisht, i cili na ka bekuar me çdo bekim frymor në vendet qiellore në Krishtin.”

Gjatë udhëtimeve të mia kam takuar vetëm dy lloje njerëzish: njëra është besimtari i Biblës, tjetra është besimtari pentekostal. Besimtari i Biblës e njihë pozicionin e tij në Krishtin, sipas zgjedhjes (Efes. 1:3-5). Por ai nuk ka shumë besim. Besimtari pentekostal ka shumë besim, por nuk e njihë pozicionin e tij.

Kjo është sikur një njeri që ka shumë para në bankë, por nuk di të shkruajë një çek. Dhe tjetri mund të shkruajë një çek, por nuk ka para në bankë. Sikur t’i bashkonim këta të dy. Ose besimi pentekostal me mësimin themelor, ose mësimi themelor me besim pentekostal – kjo do të funksiononte.

Nëse vetëm kisha do ta njihë pozicionin e saj... Dhe pengesa më e madhe në kishë është frika. Ata kanë frikë se mos nuk funksionon. Epo, atëherë për ty nuk do të funksionojë. Nuk do të funksionojë, sepse duhet të jesh një besimtar i vërtetë, jo një besimtar i rremë, por një besimtar me zemër (Rom. 10:9-10).

Lindja e re është Krishti, është një zbulesë. Perëndia ju ka zbuluar këtë mister të madh, dhe kjo është lindja e re (1 Kor. 2:10-12). Çfarë do të ndodhë kur të mblidhen të gjithë ata te të cilët zbulesa është në harmoni të përsosur dhe Perëndia e shfaq Fjalën e Tij me të njëjtat vepra përmes tyre, duke manifestuar Fjalën e Tij? Oh, sikur te kisha ta njihë vetëm pozicionin e saj! Ajo do ta kuptojë një ditë. Atëherë do të ndodhë rrëmbimi (1 Sel. 4:16-17), kur ajo ta dijë se çfarë është.

Kur Davidi shkoi për t’u përballur me Goliathin, Goliathi e pa dhe qeshi: “A jam unë qen që ti vjen ndaj meje kështu, ti djalosh i vogël i kuqërremtë?” Ai dukej i kuqërremtë dhe i vogël. Ju e dini si e quajti Sauli. Tha: “Kush është ky djalosh?” (1 Sam. 17:41-58). Ai thjesht dukej si fëmijë, e dini, si një qun mamaje, ndoshta me supe të varura; dhe ja ku vinte me atë litarin e tij të vogël, por ai e njihë Perëndinë (Gjoni 17:3). Kjo është gjëja kryesore. Ai ishte besimtar. Ai ishte i zgjedhur. Ai ishte i thirrur. Ai ishte i vajosur dhe i vendosur në pozicionin e duhur. Haleluja!

Ti thua: “Por unë nuk jam i thirrur të jem predikues.” Ndoshta je i thirrur të jesh një amvisë, por ti ke pozicionin tënd në Krishtin Jezus

përmes Frymes së Shenjtë. Amen. Ti je po aq shumë sa Davidi, po aq i rëndësishëm.

ashtu sic ishin edhe te tjeret. (3)

Shikoni se si Perendia, në planet e Tij të mëdha, e dinte saktësisht se si duhet ta formonte çdo njeri për diçka të caktuar, sepse donte ta përdorte për atë qëllim.

Ne të gjithë jemi bërë ndryshe nga njëri-tjetri. Nëse vetëm do të gjenim pozitën tonë në Krishtin dhe të qëndronim atje duke i shërbyer Atij... (1 Kor. 7:20-24). (4)

Dhe kjo është një gjë që ka shkaktuar trazira në lëvizjen tonë pentakostale dhe në lëvizje të tjera: dikush që përpiqet të jetë diçka që nuk është. Ata përpiqen të imitojnë dikë tjetër. Nuk mund ta bësh këtë. Ti je thjesht ai që je; kaq është. Dhe nëse vepron kështu, Perendia do të të përdorë pikërisht ashtu siç je. Dhe ti je po aq i rëndësishëm sa çdo njeri tjetër.

Siç kam thënë së fundmi, edhe një pendë e vogël në një orë është po aq e rëndësishme sa edhe susta kryesore, sepse të gjitha janë të nevojshme për të treguar kohën. Nëse e kuptojmë pozitën tonë në Krishtin dhe qëndrojmë aty, edhe nëse je vetëm një amvisë e thjeshtë, qëndro pikërisht aty! Kjo është ajo që Perendia dëshiron prej teje. Shikoni, thjesht jini ajo që jeni! (5) Ndonjëherë mendoj për një motër të vogël këtu në karrocë, sa shumë lutje besimi janë bërë për të. Ne nuk e kuptojmë, prandaj ia lëmë thjesht Perendis. Ajo është si një lule midis jush me mënyrën e saj të këndshme. Shikoni, ne mund të ngrihemi dhe të ecim; sa shumë do të dëshironte ajo ta bënte këtë, por sidoqoftë ajo qëndron e dashur aty ku është. Më frymëzon gjithmonë kur e shoh atë zonjë të vogël... Ne të gjithë besojmë në shërim. Ne kemi parë Perendin të bëjë mrekulli edhe më të mëdha. Edhe ajo e di këtë, shihni, por ajo është e gatshme të marrë vendin e saj.

Shikoni, çfarëdo qoftë, kjo është ajo që ne dëshirojmë. Dhe besoj se ishte Davidi ai që tha: "Më mirë dua të jem një prag dere në shtëpinë e Perëndisë sesa të banoj në çadrat e të pabesëve." (Psalmi 84:11). Shikoni, nuk ka rëndësi çfarë është, unë e marr vendin tim. Ndonjëherë duhet të ndaheni nga gjithçka që keni të dashur në këtë tokë, për të marrë pozitën që Perendia ju ka thirrur.

Por çfarë bën Perendia? Ai ju formëson nga ajo që ishit më parë. Ndonjëherë Ai ju ndan nga një bir, një bijë, një familje e dashur apo çfarëdo tjetër dhe ju vendos diku tjetër. Sepse kjo është mënyra e Tij, duke ju rinovuar mendjen (Ef. 4:20-24; Rom. 12:2), që t'i bindeni fjalës së Perëndisë, pa marrë parasysh sa e lartë është kostoja.

Shpëtimi ynë nuk ishte një gjë e lirë. Biri i Perëndisë duhej të vdiste për ne! Gjërat e çmuara kanë një çmim të lartë (1 Pjetrit 1:17-20). Të sillja këtë mesazh nuk ishte e lehtë. Shikoni, jo, nuk është e lehtë. Duhej të lija gjithçka që më ishte e dashur, madje edhe njerëzit e mi, të gjithë. Por shihni, vlera e kësaj është të bësh vullnetin e Perëndisë (Heb. 10:7). [6]

Jini të qëndrueshëm! Mbani fort pozitën tuaj në Krishtin, rrëfimin tuaj! Mbani fort rrëfimin tuaj në Krishtin (Ef. 4:11-16). [7]

Jezusi, kaq i mbushur me këtë fuqi që jep jetë, tha: "Nëse ju e shkatërroni këtë tempull, për të cilin menduat se ju duheshin dyzet vjet për ta ndërtuar, Unë do ta rindërtoj për tri ditë." (Gjoni 2:19-21).

Pse? Pse mund ta thoshte Jezusi këtë? Po ju bëj pyetjen. Pse mund ta thoshte Jezusi diçka të tillë? Ai e dinte se kush ishte. Amen. Do të doja të mund ta vendosja këtë ndjenjë brenda jush. Ai e dinte kush ishte. Ai e dinte se kishte përmbushur çdo fjalë që Perëndia kishte shkruar për Të. Ai e dinte se ishte Ai për të cilin Davidi kishte folur.

A e dini se ju jeni ata për të cilët flet Bibla? A e dini se pozicioni juaj është në Krishtin? Nëse jeni në Krishtin, jeni një krijesë e re (2 Korintasve 5:17). A e dini se kjo fjalë është si jeta juaj e përditshme për ju? Sigurisht që po. Ajo ju përket juve. Ju jeni një shqiptonjë. Kjo është ushqimi juaj. [8]

Përderisa je në Krishtin, je në Bibël. Je në Të, në Bibël. Përderisa je në Krishtin, je në plotësinë e Biblës. Je në pozicionin tënd të plotë kur je në Krishtin. A e kuptojnë të gjithë këtë? [9]

Dhe përderisa je në përputhje me detyrën, i qëndron fjalës së Perëndisë dhe bën saktësisht atë që Ai të thotë të bësh, dhe ecën sipas urdhërimeve të Perëndisë, atëherë ke të drejtë t'i thuash këtij mali: "Zhvendosu!"

Perëndia e mban Fjalën e Tij... Nëse ti i thua këtij mali: "Zhvendosu", dhe nuk dyshon në zemrën tënde, por beson se ajo që thua do të ndodhë, atëherë do të ndodhë ashtu siç ke thënë." Jezusi e tha këtë në Marku 11:22. Kjo është e vërteta. Unë e di që kjo është e vërteta. Është Fjala e Perëndisë dhe kjo e provon që është e vërtetë. Ne vetëm kemi frikë ndonjëherë.

Arrijmë në atë pikë ku kemi frikë se Ai nuk do ta mbajë Fjalën e Tij. Por Ai do ta mbajë Fjalën e Tij. Ai ka thënë se do ta bëjë. Kështu ne shohim që është e vërtetë. Ai e ka provuar këtë. [10]

Metodistët thonë: "Nëse bërtet nga gëzimi, e ke marrë." Shumë prej tyre kanë bërtitur dhe nuk e kanë pasur. Pentakostalët thonë: "Nëse flet në gjuhë të panjohura, atëherë e ke marrë." Shumë kanë folur në gjuhë dhe nuk e kanë pasur. Ashtu si farisenjtë që krijuan grupe të ndryshme. Por kur Fjala u shfaq në veprim, ata nuk e njohën.

Dhe nëse je nusja, nusja është një pjesë e dhëndrit. Vendi i vetëm ku mund ta kuptosh këtë, është të njohësh se cilën pjesë të këtij Dhëndri (të kësaj Fjale) je ti, ndryshe nuk mund ta njohësh se je nusja. Sa prej jush e shohin këtë? Duhet ta njohësh pozicionin tënd.

Nuk mund ta njohësh pozicionin e dikujt tjetër. Çfarë do të kishte ndodhur nëse Moisiu do të kishte ardhur me mesazhin e Noes? Dhe Noe ishte pjesë e saj, por nuk do të kishte funksionuar. Çfarë do të kishte ndodhur nëse Jezusi do të kishte ardhur me mesazhin e Moisiut? Nuk do të kishte funksionuar. E shihni, ishte një epokë tjetër, ishte një profeci tjetër, një pjesë tjetër e Fjalës që duhej përmbushur në atë kohë. Ata ishin në një ditë tjetër të javës. Puna e së martës nuk mund...

të bëhet te Merkuren. E mërkura duhet të përfundohet të mërkurën. Të shtunën duhet të bëhet puna e së shtunës, e shihni.

Dhe farisenjtë e njohën: “Oh, Moisiu, ne kemi Moisiun.” Ai (Jezusi) u tha atyre: “Po të kishit njohur Moisiun, do të më kishit njohur edhe Mua, sepse ai ka folur për Mua. Zoti, Perëndia yt, do të ngrejë një profet si unë.” (Ligji i Përtërirë 18:15). E kuptoni mendimin?

Pastaj Jezusi tha në Gjoni 14:26 dhe 16:13: “Kur të vijë Ai, Fryma e Shenjtë, do t’jua sjellë në kujtesë këto gjëra.” Kjo ju tregon se në çfarë dite jetoni. Për më tepër, Ai do t’ju tregojë gjërat që do të vijnë.

E shihni, kjo të çon drejtpërdrejt te profecia. “Kur Ai të vijë.”

I bekuar qoftë Perëndia dhe Ati i Zotit tonë Jezu Krisht, i cili na ka bekuar me çdo bekim Frymor (ku?) në vendet qiellore në Krishtin (Efesianëve 1:2-3).

“Vendet qiellore.” Oh, do të doja të kisha kohë! E kam nënvizuar në Bibël këtu, për vendet qiellore. Çfarë janë vendet qiellore? Vendet qiellore janë pozicioni i besimtarit në Krishtin, e shihni, aty ku qëndron besimtari në Krishtin – në vendet qiellore.

Sa e mrekullueshme duhet të jetë kjo për Atin, kur sheh poshtë tek bijt e Tij që po kthehet tek Ai dhe qëndron në pozicionin e tij në Krishtin, në besimin dhe dëshminë e tij: “Unë jam i shpëtuar me anë të hirit të Perëndisë,” dhe qëndron aty në orën e vdekjes, por megjithatë mban dëshminë se është i shpëtuar (Efesianëve 2:8-9).

A ndjeni këtë ëmbëlsi të Frymës, si po kalon mbi mbledhjen? Tani, me ndershmëri përpara Perëndisë, sa prej jush mund ta ndiejnë me të vërtetë që Fryma e Shenjtë është afër? Ulur në vendet qiellore në Krishtin Jezus...

Lëviz, Frymë e ëmbël e Perëndisë! Thirr nga vdekja në jetë! Foli farës së Abrahamit! Jepu atyre besim! Bëji të kuptojnë se ata mund ta zotërojnë portën e çdo armiku, sepse çdo armik është vënë nën këmbët e Krishtit, madje edhe vdekja. Dhe ne jemi në Të, më shumë se fitimtarë (Romakëve 8:37). Çdo armik është nën këmbët tuaja, përderisa jeni në Krishtin, sepse gjithçka është vënë nën këmbët e Tij (1 Korintasve 15:25-28; Efesianëve 1:19-23; Hebrenjve 2:8).

Si hyjmë ne në Të? Nëpërmjet një Fryme, ne të gjithë jemi pagëzuar në një trup dhe jemi bërë pjesëmarrës të të njëjtëve bekime, të së njëjtës fuqi (1 Korintasve 12:13). I njëjti besim banon në zemrat tona, ai besim që banoi në Abrahamin, ai i njëjti besim që mbajti premtimin e Perëndisë para se të shkatërrohej bota, ajo botë sodomike në ditët e Lotit. Ai i njëjti besim mund ta sjellë të njëjtin engjell në këtë ndërtesë dhe të bëjë të njëjtat gjëra që bëri atëherë. A e besoni këtë?